

Završen prvi upisni rok

U prvom upisnom roku, od 03. do 10. jula 2003. godine, na osnovni studij Komunikološkog fakulteta u Banjoj Luci upisalo se šesnaest novih studenata. Ovi studenti su se kvalificirali za upis na smjerove komunikologija i multimedijalni dizajn. Budući da je na ovim studijskim grupama ostalo još nekoliko slobodnih mjesta, Fakultet će raspisati konkurs za upis na iste smjerove i u drugom upisnom roku, krajem augusta 2003. godine. Osim toga, Fakultet će ponovo raspisati konkurs i za upis na postdiplomski studij.

Na osnovni studij mogu konkurirati sve osobe sa završenom srednjom školom, a osnovni uvjet za upis na postdiplomski studij je završen studij društvenih nauka. Kvalifikacioni ispiti za sve kandidate u drugom upisnom roku održat će se na Fakultetu u ponedjeljak, 1. septembra 2003. godine, u devet sati.

Više informacija o upisima na Fakultet možete dobiti od Jelene Ćurguz, direktora SZP, putem telefona 051-220-620, ili na Komunikološkom fakultetu, u ulici Jovana Dučića 23a u Banjoj Luci, te na <http://www.kfbl.org/>. □

Ljetna škola komunikologije

U Centru za primijenjenu komunikologiju Komunikološkog fakulteta u Banjoj Luci 15. augusta 2003. godine počinje raditi Ljetna škola komunikologije. U okviru ove škole u Centru će se od 15. augusta do 15. septembra izvoditi kursevi iz predmeta: Poslovni engleski jezik, Praktični odnosi s javnošću, Uvodni SPSS i Osnovi nelinearne video-montaže.

Prijavlivanje i upis zainteresiranih kandidata je od 17. do 27. jula 2003. godine, od 12 do 14 sati, u sobi 23 na Komuni-

kološkom fakultetu, u ulici Jovana Dučića 23a u Banjoj Luci.

Centar za primijenjenu komunikologiju je neprofitna jedinica Fakulteta, a svi prihodi se koriste za pokrivanje troškova rada i stipendije za studij ili kreativni rad iz oblasti komunikologije.

Više informacija o školi i o uslugama Centra za primijenjenu komunikologiju možete dobiti od Danijele Majstorović putem telefona 051-220-620, ili na Komunikološkom fakultetu, u ulici Jovana Dučića 23a u Banjoj Luci, te na <http://www.kfbl.org/>. □